

z'Alp

1. Ihr Manne äs taget! s'Guet Wätter hed g'ha get, s'gahd z'Alp
mir fahrid hütt z'Alp. Seh Geissebueb horne dur d'Gässeli us, hütt ziehsch du i
allne vorus. s'Mues einisch äs bitzli de kehrte Wäg gah, diä Chlyne de Grosse
vorah. s'Horne ned gspart. S'Walt Gott uf d'Fahrt!
2. Nänd d'Chlopfere füre, si müend is au g'höre im Dorf. Müends g'höre im Dorf.
s'Mues trychle dur d'Fänschter dur Türe und Tor, s'mues lüte und juze im
Chor. Gänd use a Freude de hinderschti Räscht, s'isch Sommer s'gahd z'Alp äs
ischt Fäscht. s'Juze ned gspart. S'Walt Gott uf d'Fahrt!
3. No s'Letscht ufe Chahre, s'isch vieri s'wird g'fahre hejjo. s'wird g'fahre hejjo.
Jez Bhüetigott alli ihr Liebe deheim, chönds glaube mir tuschdid mit keim! Eus
wartet iez s'Läbe uf sonniger Weid, wo d'Al peluft d'Sorge vertreidt. s'Lobe
ned gspart. S'Walt Gott uf d'Fahrt!